

付法藏因緣經卷第一

飛一

後魏世沙門吉迦夜共曇曜譯

敬禮無邊際 去來現在佛 等空不動智  
救世大悲尊

昔婆伽婆於無量劫爲衆生故求最勝道成  
就種種難行苦行捨所愛身頭目髓腦國城

捨財

妻子宮殿臣妾投巖赴火斬截身體或時有  
爲一四句偈剥皮爲紙折骨爲筆以血爲墨  
書寫供養諸學明師稟受諸佛悲傷群生勞  
謙累德修萬善行發洪誓願如五百本生經  
中廣說本學具足垂成正覺菩提樹下加趺  
而坐第六天魔深生愁毒念其道成必當勝  
我即率官屬十八萬億詣樹王下謂菩薩曰  
汝今宜可速起還宮若不爾者當持汝足擲  
大海外爾時菩薩如師子王心無驚畏告言  
波旬汝曾供養一辟支佛受八戒齋由斯福  
故得爲天王然我已於阿僧祇劫具足成就  
難行苦行大地未有如針鋒許非吾昔日修

菩行處假使魔衆如恒河沙不能傾動我之  
一毛云何汝今欲以吾身擲大海外魔復言  
曰我於往昔施辟支佛得爲天王斯事可明  
今汝所說以何爲證於是菩薩伸手指地曰  
此知我爾時地神從金剛際踊身而出合掌  
白言誠如尊教有此地來我爲其神此地無  
有如針鋒許非是菩薩本行之處魔聞斯言  
顛倒而墮破魔軍已成最正覺三達獨照六  
通無礙具足大悲辯才無盡所可宣說人皆  
信受暢微妙法拯濟群生譬如金剛所擬摧  
壞如來教門亦復如是能滅衆生煩惱諸結  
遍遊國土聚落城邑以清淨法拔衆毒刺降  
伏外學立最勝幢閉惡趣門開涅槃道化緣  
將畢垂當滅度告大弟子摩訶迦葉汝今當  
知我於無量阿僧祇劫爲衆生故勤修苦行  
一心專求無上勝法如我昔願今已滿足迦  
葉當知譬如密雲充遍世界降注甘雨生長  
萌芽無上法雨亦復如是能令衆生增善根

子所以諸佛當加守護恭敬讚歎禮拜供養  
如我今者將般涅槃以此深法用囑累汝汝  
當於後敬順我意廣宣流布無令斷絕迦葉  
白言善哉受教我當如是奉持正法使未來  
世等蒙饒益唯願世尊不以爲慮是故如來  
滅度之後摩訶迦葉次宣正教集佛法藏化

飛一二成

諸衆生其所度脫永不退轉彼大迦葉智慧  
淵廣名稱普聞功德具足今當隨順說其行  
願過去久遠毗婆尸佛化衆生已入般涅槃  
四部弟子咸生悲戀收取舍利起七寶塔表  
利莊嚴殊特妙好時彼塔中有如來像面上  
金色少憂缺壞時有貧女遊行乞丐得一金  
珠內懷歡喜意欲爲薄補像面上迦葉爾時  
爲鍛金師女即持往倩令修造是時金師聞  
其爲福歡喜治之瑩飾既訖用補像面因共  
願曰願我二人常爲夫妻身真金色恒受勝  
樂以是因緣九十一劫身真金色生人天中  
快樂無極最後託生第七梵天時摩竭國有

婆羅門名尼俱律陀於過去世父修勝業高  
才博達智慧深遠多饒財寶巨富無量金銀  
瑠璃珂貝璧玉牛羊田宅奴婢車乘比摩竭  
王千倍爲勝時瓶沙王金犁千具彼婆羅門  
恐與王齊招諸罪咎乃少其一唯有九百九  
十九具其家有甕最下之者直百千兩金以  
釘釘之入地七尺甕不穿破如本不異以福  
德力財富如是雖饒財寶無有子息自念老  
朽死時將至庫藏諸物無所委付於其舍側  
有樹林神彼婆羅門爲求子故即往祈請經  
歷年歲了無徵應時俱律陀大生瞋忿語樹  
神曰我事汝來已經年歲都不見爲垂一福  
應今當七日至心事汝若復無驗必相燒剪

飛一三成

樹神聞已甚懷愁怖向四天王具陳斯事於  
是四王往白帝釋帝釋觀察閻浮提內無福  
德人堪爲彼子即詣梵王廣宣上事爾時梵  
王以天眼觀見有梵天臨當命終即告之曰  
汝若降神宜當生彼閻浮提界婆羅門家梵

天對曰婆羅門法多惡邪見我今不能爲其子也梵王復言彼婆羅門有大威德間浮提人莫堪往生汝必生彼吾相擁護終不令汝入邪見也梵天曰諾敬承聖教於是帝釋即向樹神說如斯事樹神歡喜尋詣其家語婆羅門汝今勿復起恨於我却後七日當滿卿

願至七日已婦覺有娠足滿十月生一男兒顏貌端正身真金色光明赫奕照一由旬相師占曰此兒宿福有大威德志力清遠不貪世務必當出家得無著果年雖童稚志念清淨行慈溥施少欲知足恒觀世樂無常危脆未曾暫生愛樂之想爾時父母見其如是甚懷愁惱而相謂言是兒生時相師占曰必當出家今設何方斷絕其意覆自思惟世可耽著唯有美色當爲選擇端正良匹用斷其情至年十五欲爲婢妻迎葉聞之深生愁惱白父母言我志清淨不須妻也如是至三父母不聽於是迦葉知事難免便設權謀白父母

言能爲我得金色女人姿容超世然後乃當開意納之若不得者終不取也余時父母敬念彼故不違其語即時延召諸婆羅門遣行國界若有女人身真金色端嚴殊妙爲我婢之諸婆羅門便共爲謀鑄金爲人顏貌奇特衆共舉之遊諸聚落高聲唱言若有女人見

此金神禮拜供養未來必得微妙智慧身真金色諸女聞已皆出禮敬時有一女顏容瓊偉體紫金色稟性和柔智慧深遠即是往日金珠女也以昔勝緣有此妙身立志堅固獨不出外諸女咸問不出之意答言諸姊我意閑寂不憚餘願故不出耳時諸女人強將此

四

成

卷乙

女往觀金神此女光明形貌姿容映蔽金神悉不復現諸婆羅門即爲婢之遂相然可計期成婚彼女聞之亦甚愁惱志不自從即便行嫁二人相對志各凝絮雖爲夫妻了無欲意共立要曰我等今者宜各異房不相嬈近余時父母知是事已即便勑人去除一室令

共同處空其室內唯置一床於是迦葉更共妻要今此室中唯有一床我等二人理無同寢我若眠息汝當經行汝若睡眠我當經行後於中夜迦葉次行妻時睡眠手垂床前外有毒蛇從戶而入欲螫其妻迦葉慈愍即便徐前以衣裹手舉置床上妻便驚寢而責之曰今汝丈夫無志乃爾共我立誓要不相近今復何緣竊舉吾手迦葉答言我無欲情而近汝也蛇從外入規欲相螫恐爲傷害舉汝手耳毒蛇猶在即便示之妻意乃悟於是夫妻深厭諸有不生甘樂如人淨洗不喜塵垢詣父母所求欲出家既蒙聽許便作沙門清真守素無爲無欲在於空閑勤修苦行於是迦葉作是誓言世界所有成羅漢者我悉皈依作是語已出家威儀所有諸戒皆悉具足逮至如來成一切智於王舍城頒宣妙法爾時迦葉被糞掃衣來詣佛所稽首禮敬合掌而立白佛言世尊我今歸依無上清涼願哀

飛乙

五

成

納受聽在末次世尊歎曰善來迦葉即分半座命令就坐迦葉白佛我是如來末行弟子顧命分座不敢順旨是時衆會咸生疑曰此老沙門有何異德乃今天尊分座命之此人殊勝唯佛知耳於是如來知衆心念欲決所疑即宣迦葉大行淵廣世尊又曰我今所有大慈大悲四禪三昧無量功德以自莊嚴迦葉比丘亦復如是又於往昔過去久遠時有聖王号文陀竭高才超世智慧無倫時天帝釋欽敬其德遣七寶車造闕迎王時乘天車飛空而往天帝出迎與共同坐相娛樂已送王還宮佛告比丘尔時天帝今迦葉是文陀竭王則吾身是迦葉往昔以生死座命吾同坐故吾今日成無上道以正法座報其本恩尔時世尊即爲迦葉如應說法示教利喜譬如鮮淨白疊易受染色即於座上得阿羅漢三明六通具八解脫高才勇猛儀相安詳常與如來對坐說法時諸天人謂世尊師於是

迦葉即辭如來往耆闍崛山賓鉢羅窟其山  
多有流泉浴池樹林蓊鬱華菓茂盛百獸遊  
集吉鳥翔鳴金銀琉璃羅布其地迦葉在斯  
經行禪思宣暢妙法度諸衆生至後世尊垂  
入涅槃放勝光明大地震動便作是念將非  
如來欲入涅槃現斯相耶即入三昧以天眼

觀見於世尊熙連河側全身捨壽作是觀已  
慄然不悅如來涅槃何斯駛哉世間眼滅不  
善增長即與眷屬前後圍繞向拘尸城禮觀  
世尊於其前路見一梵志右手執持曼陀羅  
花迦葉問言汝從何來識吾師不答曰識之  
從彼間得斯華來時諸比丘聞是語已皆大  
悲惱舉身投地號哭哽咽淚下如雨咸作是  
言咄哉無常有大勢力能壞如是功德寶聚  
枯竭法海摧倒法幢世間闇冥永失大明一  
切衆生無所宗仰增長惡道減損天人奇哉  
無常深可厭患譬如電光理無久停無常迅

駛亦難可保能壞盛年色力壽命殄滅一切  
世間歡愛愚人保之智者不也於是迦葉與  
諸比丘即便前行至雙樹間繞棺三匝贊首  
作禮而說偈言

超哉三界乘 永度生死流 寂然無相願

微妙難思議 佛日甚明淨 能除愚癡闇

積劫修苦行

誓度諸苦人

云何於今者

棄捨大慈悲

全身處金棺

寂然安不動

唯願天人尊

顯現金色身

普令一切衆

興起無量願

尔時世尊於金棺內千張屍中出金色足光  
明照曜猶如盛日棺蓋無虧而足顯現一切  
大眾見是事已倍更悲惱號哭哽塞爾時迦  
葉偏袒右肩接足作禮重說偈言  
如來足踝滿 千輻相輪現 指纖長柔軟  
合縵綱成就 大悲濟群生 斷世衆疑結  
是故我今日 頂禮最勝足 我證四真諦  
說佛功德聚 已讚歎恭敬 宜還歛足入

余時迦葉令諸力士更以天氈用繩佛身香油灌上而閉棺蓋積栴檀薪闍維如來阿難見火悲泣哽咽號哭懊惱而說偈言

惟哉無常甚可憂畏能滅如是功德寶聚世尊此身清淨無垢今在金棺以千疊纏香油流灌然栴檀薪微妙勝身爲何所在

飛乙

七

余時迦葉以乳滅火說偈讚曰

千疊纏身火耶旬之佛神力故內一衣在外亦不燒唯中都盡此勝神力不可思議摩訶迦葉說是偈已告諸比丘佛已耶旬世尊舍利非我等事何以故國王長者大臣居士求最勝福自當供養我等宜當結集法眼無令法炬速疾磨滅爲未來世當作照明紹隆三寶使不斷絕余時迦葉與諸比丘至王舍城賓鉢羅窟阿闍世王得無根信及至如來滅度之後群臣相與咸共議曰大王信心猶如巨海超諸人天世界之上若聞世尊入涅槃者沸血必當從面流出身體分散命不

云遠當設何方令免斯難時有一臣名曰兩舍智慧漏廣善於方便造一銅池縱廣數仞以淨香油盈注其內令阿闍世王坐斯池中而復更以鮮淨白疊圖畫如來本行之像所謂菩薩從兜率天化乘白象降神母胎父名白淨母曰摩耶處胎滿足十月而生生未至地帝釋奉接難陀龍王及跋難陀吐水而浴摩尼跋陀大鬼神王執持寶蓋隨後侍立地神化華以承其足四方各行滿足七步至於天廟令諸天像悉起奉迎阿私陀仙抱持占相既占相已生大悲苦自傷當終不覩佛興詣師學書技藝圖識處在深宮六萬妓女娛樂受樂出城遊觀至迦毗羅園道見老人及以沙門還詣宮中見諸妓女形體狀貌猶如枯骨所有宮殿塚墓無異獸惡出家夜半踰城至鬱陀伽阿羅羅等大仙人所聞說識處及非有想非無想定既聞是已深諦觀察知非常苦不淨無我捨至樹下六年苦行使知

是苦不能得道爾時復到阿利跋提河中洗浴爾時有二放牛女人欲祠神故以千頭牛擊取其乳飲五百頭如是展轉乃至一牛即取其乳煮用作糜漏高九尺不棄一滴有婆羅門問言姊妹汝煮此糜欲上何人女耶答曰持祠樹神婆羅門言何有神祇能受斯食

飛一

八

唐

唯有食者成一切智乃能受汝若斯之供於是女人便奉菩薩即爲納受而用食之然後方詣菩提樹下破魔波旬成最正覺於波羅奈爲五比丘初轉法輪乃至詣於拘尸那城力士生地入般涅槃如是等像皆悉圖畫王問群臣汝作何等答言大王我盡如來功德之像次至世尊滅後形變王便驚愕舉身毛堅深生恭敬恩慕如來此池中油五分之一忽然流注入王身中譬如焦整投之大池水自滲入彼亦如是由斯因緣命得全濟阿闍世王信敬隆篤感戀如來其事若此聞迦葉往甚太歡喜嚴治道路燒香散華自乘白象

出迎迦葉王昔見佛自投象下恭敬禮拜見迦葉時亦復如是摩訶迦葉神力接之令無傷害即告王曰佛力殊勝不同聲聞聲聞入定乃有神足自後見我勿投象也王言敬諾即白迦葉世尊涅槃我竟不見尊若滅度願必垂告迦葉曰善因告王言如來世尊智慧

唐

九

唐

深遠能滅衆生三毒熾火能枯十二因緣大樹諸天世人皆蒙饒益今入涅槃世間眼滅生老病死憂悲哀惱如是等苦轉更熾盛我欲爲彼而作慧明共諸比丘集佛法藏王於今者宜辦供具王言善哉願諸聖士恒受我供於是迦葉告阿那律諸羅漢中誰不來者

飛一

九

唐

阿那律言憍梵波提在尸利沙宮猶未來此爾時迦葉告梨婆提汝可往彼尸利沙宮語憍梵波提大迦葉等今有僧事要須相見時梨婆提飛空而往具陳上事爾時尊者問梨婆提世尊何在而云迦葉梨婆提言佛入涅槃法橋已壞法山已崩法燈已滅黑闇時至

憍梵波提歎曰苦哉世間空虛魔王波旬今當喜矣凡愚衆生無明所蔽流轉生死沒在魔網十力世尊勉而出之今入涅槃永無救護哀哉衆生深可悲愍告梨婆提汝可爲我頂禮迦葉及餘聖衆如我舜曰憍梵波提白大迦葉世尊若在我當往彼禮拜供養今入涅槃世間空虛觀閻浮提無一可樂如大龍王既捨身已龍子必隨我亦如是今欲涅槃作是語已即便滅度如是諸人聞佛滅度悉入涅槃迦葉唱言未集法藏勿涅槃也時諸比丘問大迦葉先集何法迦葉答言先修多羅又問使誰集修多羅大迦葉言阿難比丘多聞揔持有大智慧常隨如來梵行清淨最後法中利安衆僧知見具足佛常讚歎宜可使彼集修多羅爾時迦葉即說偈言  
比丘諸眷屬離佛不莊嚴猶如虛空中衆星之無月

說是偈已禮衆僧足即昇法座而說是言如是我聞一時佛住波羅奈鹿野苑中古仙住處爲五比丘初轉法輪謂苦聖諦如是廣說說是語已五百羅漢飛昇虛空高聲唱言奇哉無常甚大迅速如河駛流逝而不返我等昔者自覩世尊今乃言聞皆各悲泣而說偈言

咄哉諸有苦迴動如水月不堅如芭蕉亦如幻影響如來大雄猛功德超三界猶爲無常風漂流而不住

五百羅漢說是偈已還復本座爾時迦葉問諸比丘阿難所言不錯謬耶皆曰不異世尊所說於是迦葉命優波離集毗尼藏迦葉自

飛乙

十

唐

集阿毗曇藏集法藏已摩訶迦葉即說偈言以此尊法輪濟諸群生類十力尊所說皆當勤修行此法是明燈能破諸黑闇諸賢宜受持慎勿生放逸爾時迦葉入願智三昧觀所集法無闢少耶思惟已訖知皆具足便作是念如來大師我

善知識利安饒益如母愛子我今以法益同  
梵行示未來世作大悲想欲使大法流布不  
絕始於今者報如來恩我年朽邁身爲老壞  
臭爛之體甚可厭惡無常危敗不可依恃恒  
爲諸苦之所惱害誰有智者當樂此身我今  
宜可入般涅槃復便思惟我今當往大慈大

悲佛婆伽婆真善知識無量淨善功德所熏  
微妙舍利所在之處皆往禮拜恭敬供養即  
飛虛空至四塔前禮拜供養復詣八塔至心  
恭敬譬如鴈王飛到大海娑伽羅宮禮敬佛  
牙如大壯士屈伸臂頃至忉利天釋提桓因  
與諸天衆出迎迦葉禮敬供養摩訶迦葉告

帝釋曰我後涅槃禮如來髮故來至此釋提  
桓因聞是語已心懷惆悵悲泣懊惱自取佛  
髮敬授迦葉迦葉受已至心禮敬牛頭栴檀  
以用供養供養已訖語諸天子五欲無常不  
可久保如華上露見陽則晞唯有善法深可  
願樂當觀苦空慎莫放逸作是語已從彼天

飛乙

十一

唐

沒還王舍城阿難隨逐未曾捨離恐入涅槃  
或不覩見後於少時摩訶迦葉告阿難曰汝  
獨入城我亦當往尔時迦葉著衣持鉢入王  
舍城作是念言阿闍世王本與我要若涅槃  
時必來見我我今當往告之可乎到王門下  
語守門人爲我白王摩訶迦葉今在門外欲  
得相見守門人言王今睡眠若覺之者恐貽  
罪累迦葉語言王若覺者好爲我語摩訶迦  
葉欲入涅槃來與王別不見而去於是迦葉  
至雞足山於草叢上加趺而坐作是願言今  
我此身著佛所與糞掃之衣自持己鉢乃至  
弥勒令不朽壞使彼弟子皆見我身而生歡  
喜復作是念阿闍世王若不見我沸血必當  
從面而出命不全濟若使彼王與阿難來山  
當爲開令其得入若還去者復當還合便捨  
命行唯留少壽應時大地六種震動釋提桓  
因與諸天子以曼陀羅華天諸末香供養舍  
利生大悲惱而作是言如來滅度感戀未息

迦葉涅槃增我悲惱賓鉢羅窟即便空曠巷  
 里窮酸苦厄羸劣貧露孤寒彼恒矜愍今捨  
 之去誰當覆護如十五日天無雲翳月及衆  
 星處空顯現如來聖衆亦復如是住在世間  
 猶若星月死無常雲如何卒起一旦隱蔽最  
 煙福田諸天如是極生悲感哀摧號哭涕泣  
 懊惱共相裁抑歸還天上阿闍世王於睡卧  
 中夢屋梁折尋便驚覺心生惶怖門人白王  
 摩訶迦葉欲入涅槃來與王別正值眼息令  
 我致意即便迴還王聞是事悶絕躰地冷水  
 濺面方得醒寤舉聲大哭涕泣盈目我何薄  
 祐垢障深厚諸聖涅槃不一覩見即詣竹園  
 禮阿難足問言迦葉滅度未耶阿難答言已  
 閼世王向雞足山王既到已山自開闢迦葉  
 在中全身不散曼陀羅花以覆其上王見是  
 已發聲號哭舉身投地積諸香木欲闔毗之  
 阿難問言欲作何等答曰欲耶旬阿難言曰

摩訶迦葉以定住身待於弥勒不可得燒弥  
 勒出時當將徒衆九十六億至此山上見於  
 迦葉時彌勒衆皆作是念釋迦如來弟子身  
 形卑陋若此彼佛亦當與斯無異於是迦葉  
 踞身虛空作十八變變爲大形充滿世界時  
 弥勒佛即就迦葉取僧伽梨是時大衆見其  
 神力除憍慢心成阿羅漢王供養已還歸本  
 國時雞足山還合如初

## 付法藏因緣經卷第一

飛一

赫奕下音危脆  
 刹必角  
 偉上古回反  
 鍛金亂丁倩反  
 赫上音危脆  
 延下羽鬼反  
 菩上音翁又  
 延下音翁又  
 延上音翁又  
 菩下於結反  
 菩下玄反  
 輜音福纖  
 足音息廉